

Najib Mahu Calon UPSR Lakukan Yang Terbaik
Bernama
9 Sept, 2013

KUALA LUMPUR, 9 Sept (Bernama) -- Datuk Seri Najib Tun Razak berharap calon Ujian Pencapaian Sekolah Rendah (UPSR) yang menduduki peperiksaan itu esok dapat melakukan yang terbaik.

"Kepada adik-adik yang menjalani UPSR esok, semoga berjaya," kata perdana menteri melalui laman Twitter beliau.

"Buat yang terbaik untuk ibu bapa, guru-guru dan terutamanya untuk diri sendiri," katanya.

Sebanyak 478,848 calon akan menduduki UPSR mulai esok hingga Khamis di 8,268 pusat peperiksaan di seluruh negara.

Daripada jumlah itu, 469,882 adalah pelajar sekolah kerajaan dan bantuan kerajaan manakala 8,966 lagi dari sekolah swasta yang bahasa pengantarnya adalah bahasa Melayu.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=976245>